

Bosna i Hercegovina  
Federacija Bosne i Hercegovine  
Bosansko-podrinjski kanton Goražde  
**ZAVOD ZDRAVSTVENOG OSIGURANJA BOSANSKO-PODRINJSKOG KANTONA  
GORAŽDE**

Goražde, 1.slavne višegradske brigade broj 1, tel.fax: 038/228-348, email:  
[zzobpk@bih.net.ba](mailto:zzobpk@bih.net.ba)

**Broj : 01-1002/22**  
Goražde, 10.02.2022.godine

Na osnovu člana 8 stav 1 Zakona o javnim nabavkama ( „Službeni glasnik BIH „broj :39/14), člana 7 stav(3) i (4) Pravilnika o postupku dodjele ugovora o uslugama iz Aneksa II. Dio B Zakona i javnim nabavkama ( „Službeni glasnik BIH „broj : 66/16), i Statuta Zavoda zdravstvenog osiguranja Bosansko podrinjskog kantona Goražde, direktor Zavoda zdravstvenog osiguranja BPK-a Goražde objavljuje

**JAVNI POZIV  
za dodjelu ugovora za pružanje usluga biomedicinski potpomognute oplodnje za  
2022.godinu**

Pozivaju se sve zdravstvene ustanove da dostave svoje ponude za dodjelu ugovora za obavljanje postupka biomedicinski potpomognute oplodnje za 2022.godinu

**1. NAZIV UGOVORNOG ORGANA**

Ugovorni organ : **Zavod zdravstvenog osiguranja Bosansko podrinjskog kantona Goražde**

Adresa: **1.slavne višegradske brigade broj 1, 73 000 Goražde**

Identifikacioni broj : **4245002170008**

Telefon : **038/228-348**

Fax: **038/228-348**

Email: [zzobpk@bih.net.ba](mailto:zzobpk@bih.net.ba)

Web stranica : [www.zzobpk.ba](http://www.zzobpk.ba)

**2. OPIS PREDMETA NABAVKE**

Predmet nabavke je objavljivanje postupka biomedicinski potpomognute oplodnje za osigurana lica na teret sredstava obaveznog zdravstvenog osiguranja Zavoda zdravstvenog osiguranja Bosansko podrinjskog kantona Goražde za 2022.godinu.

**2.1. USLOVI ZA UČESTVOVANJE I DOKAZI O ISPUNJAVANJU USLOVA**

Ponuđači koji dostavljaju svoje ponude moraju ispunjavati sljedeće opšte i posebne uslove :

**Opšti uslovi :**

- a) **Uslov** : da posjeduje rješenje Federalnog ministarstva zdravstva o ispunjavanju uslova u pogledu prostora, medicinsko -tehničke opreme i sistema kvaliteta, koje moraju ispunjavati zdravstvene ustanove koje provode postupke biomedicinski potpomognute oplodnje .

**Dokaz:** Rješenje Federalnog ministarstva zdravstva o ispunjavanju uslova prostora, medicinsko -tehničke opreme i sistema kvaliteta za provođenje postupka biomedicinski potpomognute oplodnje .

Dokaz se dostavlja u originalu ili fotokopiji originala ovjerenoj od strane nadležnog organa ili notara.

- b) **Uslov** : da su kod nadležnog organa registrovani za obavljanje djelatnosti zdravstvene zaštite iz predmeta ugovaranja ;

**Dokaz** : Aktuelni izvod iz sudskog registra ili posebnu izjavu/potvrdu nadležnog organa kojim se dokazuje da je registrovan za obavljanje profesionalne djelatnosti koja je u vezi sa predmetom nabavke.

Dokaz se dostavlja u originalu ili fotokopiji originala ovjerenoj od strane nadležnog organa ili notara.

**Posebni uslovi :**

- a) **Uslov** : da je sjedište zdravstvene ustanove na području Federacije BiH;

Dokaz : Izjava- podaci o ponuđaču (Aneks 1 )

Dokaz se dostavlja u originalu potpisan i ovjeren od strane ponuđača.

- b) **Uslov** : da su ispunjene obaveze u vezi sa plaćanjem direktnih i indirektnih poreza, penzijskog i invalidskog osiguranja, zdravstvenog osiguranja i osiguranja od nezaposlenosti ;

**Dokaz :**

Uvjerenje nadležnih institucija kojim se potvrđuje da je kandidat / ponuđač izmirio dospjele obaveze, a koje se odnose na penziono i invalidsko osiguranje i zdravstveno osiguranje.

Uvjerenje nadležnih institucija da je kandidat /ponuđač izmirio dospjele obaveze u vezi sa plaćanjem direktnih i indirektnih poreza.

Dokazi se dostavljaju u originalu ili fotokopiji originala ovjerenoj od strane nadležnog organa ili notara.

U slučaju da Ponuđač nije u sistemu PDV-a, obavezan je dostaviti Uvjerenje nadležnog organa da nije u sistemu PDV-a.

Dokaz se dostavlja u originalu ili kopiji originala ovjerenoj od strane nadležnog organa ili notara.

- c) **Uslov** :da nije u sukobu interesa u skladu sa članom 52 Zakona o javnim nabavkama;

**Dokaz:** Izjava (Aneks 2 ) da nije u sukobu interesa, popunjenu u skladu sa članom 52.stav (2)

Zakona, ovjerenu kod nadležnog organa u formi i na način propisan Zakonom.

d) **Uslov** : da prihvata cijenu zdravstvene usluge biomedicinski potpomognute oplodnje iz Odluke o dopunama Tarife zdravstvenih usluga u Federaciji BiH, Upravnog odbora Zavod zdravstvenog osiguranja i reosiguranja Federacije BiH broj : 02/IV-01-1-1975-1/20 od 30.06.2020.godine, sa cijenama usluge kako slijedi :

<b>ŠIFRA</b>	<b>NAZIV ZDRAVSTVENE USTANOVE</b>	<b>BROJ BODOVA</b>	<b>VRIJEDNOST BODOVA</b>	<b>CIJENA USLUGE IZRAŽENA U KM</b>
328031	Intrauterina inseminacija (IUI)	763	0,80 KM	610,40 KM
328032	Izvantjelesna oplodnja (IVF )	3.511	0,80 KM	2.808,80 KM
328033	Intracitoplazmatska mikroinjekcija spermija (ICSI)	4.778	0,80 KM	3.822,40 KM
328034	Pohranjivanje spolnih stanica, spolnih tkiva i zametaka	125	0,80 KM	100,00KM

**Dokaz** : Izjava kojom prihvata cijenu zdravstvene usluge biomedicinski potpomognute oplodnje iz Odluke o dopunama Tarife zdravstvenih usluga u Federaciji BiH, Upravnog odbora Zavoda zdravstvenog osiguranja i reosiguranja Federacije BiH, broj : 02/IV-01-1-1975-1/20 od 30.06.2020.godine (Aneks 3 ).

Dokaz se dostavlja u originalu potpisan i ovjeren od strane ponuđača.

### **3. PROCIJENJENA VRIJEDNOST NABAVKE ZA PERIOD TOKOM KOJEG ĆE SE NABAVLJATI PREDMETNE USLUGE**

Procijenjena vrijednost nabavke iznosi 27.197,00 KM.

### **4. KRITERIJ ZA DODJELU UGOVORA**

Ugovori će se dodijeliti svim ponuđačima koji ispune opšte i posebne uslove, po kriteriju najniže cijene, odnosno koji prihvate cijenu zdravstvene usluge biomedicinski potpomognute oplodnje iz Odluke o dopunama Tarife zdravstvenih usluga u Federaciji BiH, Upravnog odbora Zavoda zdravstvenog osiguranja i reosiguranja Federacije BiH, broj :02/IV-01-1-1975-1/20 od 30.06.2020.godine.

### **5. IZJAVA IZ ČLANA 52 STAV (2 ) ZAKONA**

Ponuđač je obavezan dostaviti Izjavu da nije u sukobu interesa, popunjenu u skladu sa

članom 52. stav (2 ) Zakona, ovjerenu kod nadležnog organa u formi i na način propisan Zakonom.

Ponuda svakog ponuđača koji se nalazi u sukobu interesa, kao i ponuda ponuđača koji je sadašnjem ili bivšem zaposleniku ugovornog organa dao ili je spreman dati mito u obliku novčanih sredstava ili u bilo kojem nenovčanom obliku, s ciljem ostvarivanja uticaja na radnju, odluku ili tok postupka javne nabavke bit će odbijena u skladu sa važećim propisima u Bosni i Hercegovini, u tom slučaju ugovorni organ će u pismenoj formi obavijestiti ponuđača i Agenciju o javnim nabavkama o odbijanju takve ponude, kao i razlozima odbijanja. Svaki ponuđač dužan je potpisati izjavu iz člana 52 stav 2.Zakona.

## 6. NAČIN DOSTAVLJANJA PONUDE

6.1. Ponuđači snose sve troškove u vezi sa pripremom i dostavljanjem njihovih ponuda. Ugovorni organ nije odgovoran niti dužan snositi te troškove.

6.2 Ponuda treba biti napisana neizbrisivom tintom. Ponuda mora biti čvrsto uvezana da se onemogući naknadno vađenje ili umetanje listova. Stav Agencije za javne nabavke je da se : **„pod čvrstim uvezom podrazumijeva ponuda uvezana odnosno ukoričena u knjigu ili ponuda, na neki drugi način, uvezana u cjelini i uz to osigurana jamstvenikom čija su oba kraja na prvoj ili posljednjoj stranici pričvršćena utisnutim žigom ili naljepnicom ovjerenom pečatom ponuđača a u svrhu izbjegavanja manipulisanja stranicama ponude** „ tako da je potrebno da ponuda bude uvezana na način kako je i navedeno u Stavu Agencije za javne nabavke.

Dijelovi ponude kao što su uzroci, katalozi, mediji za pohranjivanje podataka i sl. koji ne mogu biti uvezani ponuđač obilježava nazivom i navodi u sadržaju ponude kao dio ponude. Ako je ponuda izrađena u više dijelova ponuđač mora u sadržaju ponude navesti od koliko se dijelova ponuda sastoji.

Stranice ponude moraju biti numerisane odnosno označene brojem na način da je vidljiv redni broj stranice. Izuzetno, ponuda neće biti odbačena ukoliko su listovi ponude numerisani na način da je obezbjeđen kontinuitet numerisanja, te će se smatrati manjim odstupanjem koje ne mijena, niti se bitno udaljava od karakteristika , uslova i drugih zahtjeva utvrđenih u obavještenju o nabavci i tenderskom dokumentacijom.

Kad je ponuda izrađena od više dijelova, stranice se označavaju na način da svaki slijedeći dio započinje rednim brojem kojim se nastavlja redni broj stranice kojim završava prethodni dio. Ako ponuda sadrži štampanu literaturu, brošure kataloge koji imaju izvorno numerisane brojeve onda se ti dijelovi ponude ne numerišu dodatno.

6.3. Ponuđač je u obavezi ponudu dostaviti u zatvorenoj koverti, na adresu Ugovornog organa.

Na koverti ponude mora biti naznačeno

- a) Naziv i adresa ugovornog organa
- b) Naziv i adresa ponuđača
- c) Evidencijski broj nabavke
- d) Naziv predmeta nabavke
- e) Naznaka „**NE OTVARATI** „

## **7. IZMJENA ILI DOPUNA PONUDE ILI ODUSTAJANJE OD PONUDE**

U skladu sa članom 57.stav (2 ) Zakona o javnim nabavkama ponuđač može prije isteka roka svoju ponudu izmijeniti, dopuniti ili od nje odustati.

Izmjena i / ili dopuna ponude dostavlja se na isti način kao i osnovna ponuda s obaveznom naznakom da se radi o izmjeni i / ili dopuni ponude.

Ponuđač može do isteka roka za dostavu ponude pisanom izjavom odustati od svoje dostavljene ponude. Pisana izjava se dostavlja na isti način kao i ponuda s obaveznom naznakom da se radi o odustajanju od ponude. U tom slučaju neotvorena ponuda se vraća ponuđaču.

## **8. ADRESA NA KOJU SE DOSTAVLJAJU PONUDE**

Zavod zdravstvenog osiguranja Bosansko podrinjskog kantona Goražde, 1 Slavne višegradske brigade broj 1, 73 000 GORAŽDE

## **9. PERIOD ZAKLJUČIVANJA UGOVORA**

Ugovor se zaključuje na period do 31.12.2022.godine.

## **10.KRAJNJI ROK ZA DOSTAVU PONUDA**

Javni poziv je otvoren do 30.11.2022.godine.

Prvo otvaranje ponuda održat će se 28.02.2022.godine sa početkom u 12.00 h.

Ponude koje budu dostavljene nakon roka utvrđenog za prvi krug otvaranja ponuda, bit će otvorene i razmatrane po prispjeću.

## **11.KONTAKT**

Ugovorni organ ostavlja mogućnost da se komunikacija u postupku javne nabavke može vršiti i elektronski putem emaila [zzobpk@bih.net.ba](mailto:zzobpk@bih.net.ba).

Kontakt osoba:

Naida Mandžo dip.pravnik 038/228-348

PRILOZI :

-Anex 1- Podaci podnudaču

-Anex 2-Izjava iz člana 52 Zakona

-Anex 3-Izjava o prihvatanju cijena zdravstvene usluge biomedicinski potpomognute oplodnje

**s.r. D I R E K T O R**

---

Salem Halilović